



FONO AOAQ FAITULAFONO A SAMOA

LIPOTI A LE KOMITI O TUPE MAUA

MA TUPE TOTOGI

I LE

TULAFONO TAU FAAOFI O TEUTEUGA

O LE TULAFONO O

PULEGA O TUPE A LE MALO 2014.

(Tuuina atu i le Fono Aoaq Faitulafono)

1 FAUTUAGA

Ua fautuaina e le Komiti o Tupe Maua ma Tupe Totogi le Fono Aoao ina ia faautagia lana Lipoti.

2. IUGAFONO.

I le maea ai o Iloiloga a le Komiti e fautuaina le Fono Aoao ina ia faagasolo le Tulafono Tau Faaofi o Teuteuga o le Tulafono o Pulega o Tupe a le Malo faatasi ai ma le Faasaoga o le Lomiga.

3. FAATOMUAGA

O le Komiti o Tupe Maua ma Tupe Totogi a le Malo ua faavaeina i lalo o aiaiga o Tulafono Tumau 170 ma e aofia ai Sui Usufono nei:-

Sui Usufono

Filifilia

Susuga Hon PAPALITELE Niko Lee Hang	Taitaifono	31/05/2011
Afioga TAFUA Maluelue Tafua	Sui Taitaifono	31/05/2011
Afioga Hon PALUSALUE Faapo II	Sui Usufono	31/05/2011
Tofa LEALAILEPULE Rimoni Aiafi	Sui Usufono	31/05/2011
Afioga TAEFU Lemi Taefu	Sui Usufono	31/05/2011
Afioga AFUALO Dr Wood Uti Salele	Sui Usufono	31/05/2011
Afioga TIALAVEA F Tionisio Seigafolava	Sui Usufono	31/05/2011
Afioga Hon FAUMUINA Tiatia Faaolatane Liuga	Sui Usufono	18/08/2014

4. TULAFONO TUMAU 170:

E tusa ai ma aiaiga o le Tulafono Tumau 170, o le a avea ma tiute o le Komiti o Tupe Maua ma Tupe Totogi :-

(a) Iloiloina o so o se Tulafono Tu Faaofi, Talosaga po o nisi mataupu e tuuina atu i ai e le Fono Aoao e tusa ai o nei Tulafono Tumau ma ia Tala Faatatau o Tupe po o le toe iloiloga o le faatinoga o galuega a Matagaluega;

- (b) Faasoa atu i so o se Komiti Filifilia na te faatinoina suesuega o so o se Tala Faatatau o Tupe ma so o se iloiloga o le faatinoga o galuega a Matagaluega, ma ia manaomia lea Komiti Filifila ina ia toe lipoti atu a o le i tuuina atu le Lipoti a le Komiti o Tupe Maua ma Tupe Totogi i le Fono Aoa;
- (c) Le suesueina o Faiga Faavae, Faafoga ma tupe alu a Matagaluega ma Faalapotopotoga a le Malo e faasino i tupe a le Malo, Inisiua, supaneueta, Faaputugatupe mo le Lumanai Manuia, Lafoga, sueina faasuetusi o faamatalaga o tupe a le Malo ma Faamatalaga tau tupe a Matagaluega;
- (d) Iloiloga aoao o faafoga tau pulega o tupe i Matagaluega uma ma Matagaluega a le Malo;
- (e) Suesueina ma lipoti atu i faamatalaga o tupe a le Malo.

5. TULAFONO SA ILOILOINA :

Tulafono Tau Faaofi o Teuteuga o le Tulafono o Pulega o Tupe a le Malo 2014;

Sa iloiloina e le Komiti le Tulafono Tau Faaofi o Teuteuga o le Tulafono o le Pulega o Tupe a le Malo 2014, e tusa ai ma le Faatonuga sa tuuina mai e le Fono Aoa i le aso 22 Oketopa 2014.

FESOASOANI.

A o faagasolo ana iloiloga i le Tulafono Tau Faaofi, sa tapā e le Komiti fautuaga ma molimau e faamalamalama ai le Tulafono Tau Faaofi e le Ofisa Sili o Pulega o le Matagaluega o Tupe faatasi ai ma Loia Sili ma Sui o Pulega ua taua i lalo:-

5.1. Matagaluega o Tupe.

Tupaimatuna Iulai Lavea	-	Ofisa Sili o Pulega;
Salote Peteru	-	Ofisa Sili Lagolago. (Vaega o Tulafono)

5.2. Ofisa o le Loia Sili

Aumua Ming C Leung Wai	-	Loia Sili.
Loretta Teueli	-	Loia Sili Lagolago.

6. **SAILIILIGA:**

O le Tulafono Tau Faaofi o Teuteuga o le Tulafono o le Pulega o Tupe a le Malo 2014, ua aiaia ai teuteuga i le Tulafono Autu o Pulega o Tupe a le Malo e pei ona pasia ma faamaonia e le Palemene i le tausaga e 2001.

O le auga ma le sini autu o lenei Tulafono Tau Faaofi e pei ona taua e le Matagaluega o Tupe, ua aiaia ai mo le Minisita o Tupe e nafa faapitoa mo le tuufaatasia o gaioiga o vaega uma o le Malo, o lo o fesootai i le faatinoga o galuega tetele tau atinae ma isi vaega o fuafuaga tau tamaoiga ua faamaonia e le Palemene a Samoa.

Na taua foi e le Matagaluega o Tupe, o lenei Tulafono Tau Faaofi ua aiaia ai mo se vaega fou i totonu o le Tulafono Autu e aiaia ai mo le lomua faasalalau ma le lipotia o fuafuaga faataatia i le pulega ma le mataituina o aitalafu a le Malo.

O lenei foi teuteuga ua aiaia ai le faamaotiina o tupe maua ma tupe totogi ina ia aofia uma i totonu o Lipoti Faaletausaga a Matagaluega a le Malo, ma e ao ona saunia ma tuufaatasia nei faamatalaga tau tupe e tusa ai o aiaiga ma faiga faavae a le Faalapotopotoga o Tausi Tusi Faava o Malo.

Ua matauina foi e le Komiti i ana Sailiiliga, o lenei Tulafono Tau Faaofi ua aiaia ai le toe faafouina ai faasinomaga uma i le Faamatalaga o Fuafuaga Faatatitia o le Tamaoiga i le Fuafuaga Faataatitia mo le Atinae o Samoa (Strategy for the Development of Samoa).

7. **ILOILOGA AUILIILI O LE TULAFONO TAU FAAOFI.**

I le iloiloaina auiliili o lenei Tulafono Tau Faaofi i ona Fuaiupu taitasi, ua faamalieina le Komiti o lo o talafeagai aiaiga uma e pei ona faatulaga mai, seia vagana ai le Faasaoga i le Fuaiupu Muamua o le Tulafono Tau Faaofi.

Faasaoga o le Lomiga :

Fuaiupu 1.

Ia soloia le tausaga “2014” o lo o aliae mai i le Fuaiupu 1 ma isi vaega o le Tulafono Tau Faaofi ma suia i le tausaga “2015” ma faitauina ai le Igoa Puupuu o le Tulafono e faapea:-

**“TULAFONO O TEUTEUGA O LE TULAFONO O LE PULEGA
O TUPE A LE MALO 2015”.**

8. IUGAFONO.

I le maea o ana iloiloga, na faaiugafonoina ai e le Komiti e fautuaina le Fono Aoao :-

Ina ia faagasolo le Tulafono Tau Faaofi o Teuteuga o le Tulafono o Pulega o Tupe a le Malo 2014, faatasi ai ma le Faasaoga o le Lomiga.

**Hon PAPALIITELE Niko Lee Hang.
Taitaifono**

**TAFUA Maluelue Tafua
Sui Taitaifono.**

**Hon PALUSALUE Faapo II
Sui Usufono**

**Hon FAUMUINA T Faaolatane Liuga
Sui Usufono**

**LEALAILEPULE Rimoni Aiafi
Sui Usufono**

**AFUALO Wood Dr Uti Salele
Sui Usufono**

**TIALAVEA F T Seigafolava
Sui Usufono**

**TAEFU Lemi Taefu
Sui Usufono**